

LOU BRÛSC

JOURNAU POUPULARI DE LITERATURO, D'ISTORI E DE SCIENCI
PAREISSANT TOUTEÏ LEI QUINGENADO

Depausitari majourau pèr Marsa *à la Librairie des Bons Feuilletons, 50, carriero de la Darso 50*

Abounamen :
3 fr. e mié pèr an pèr touto la Franço.
Fouero Franço, lou port en subre, ço
que revèn à 5 fr.

Tout ço que toco lou journau dèn
èstre manda afranqui à l'Empremarié
Prouvençalo, 15, carriero d'ou Grand-
Relôgi, à-z-Ais.

Lei plé noun afranqui saran refusa.
Leis article noun inseri saran pas
rendu.

TAULETO

- PASSO-TÈMS. — L'eleicien d'un Conse -- *J. B. G.*
POUESIO. — Lou carilloun Fauo - *E. B.* — L'a-
mour - *E. Jouveau.* L'ile e l'enfant - *L. Bla-
chère.* — Lisabè - *M. Bourrelly.*
REMEMBRANÇO. — D'ou 3 au 16 d'Outobre. *L. A.*
Gardavré.
CROUNICO. — L'allouette Dauphinoise — Lei fe-
libre de Paris.
FRIETOUN. — Pèire de Prouvenço e la bello Ma-
galouno.

SUPLEMEN

PASSO-TÈMS

L'ELECIEU D'UN CONSO.

Es uno grosso encavo que l'eleicien d'un conso, mai subretout dins lei vilâgi e lei vilajoun. Touto la populacien s'esmou e perde pendènt quauque tèms la boulo. Lei bocho même, aqèu jué patriouti e naciounau dei pichoums endrè, lei bocho s'arreston e barrulon plus sus la plaço e lei camin comunau. Li a tant-a-n-aquèu moument, de tot, que lou tot es laissa de caire. L'eleicien es tout, e plus rên n'es rên. Que d'intrigo, que de maniganço, que de malamagno! Lei femelan perèu s'en mesclon. N' i avie pas proun dei mie-faudau, fau que li faudau se li amourron. L'ome, qu'es lou pu fouart, a mes lei fremo fouero de la lei d'ou voto. Mai lou mascle se laisso mena pèr lou femèu, que li fa faire ço que vòu, sènso avè l'èr de li touca.

Adonc, s'agissié de nouma un conso dins la coumuno de Tauteno, prochi d'ou Martegue, de Carpentras, o de Sieifour, coumo vous agradara. Lei counseié comunau afouga s'atrouvavon embaragna pèr cenchat un dei sièu de la cherpo. Lei gros bounet noun poudien se metre d'acord. Quau voulié blan, quau voulié nègre. E tiro à dia, e tiro à irou, lou càrri amenistrati sabié plus à que sant se recoumanda, e riscavo foueço de s'encala o de resta dins lei fango de Louino. Li a rên de testard coumo lei gènt de vilâgi, qu'an de troumpeto de boues. Mai lei counseié comunau de Tauteno avien gagna la joie de la testardiso. Ço que rendié lou cas lou pu empachourlous, es que n' i avie vuè que voulièn estre conso. Avien toutei de pounchie à pau près parié dins la populacien. La mouié de chacun dei vuè avie soun camp e soun acamp. Seis amigoto travaïavon pèr elo. Aussi l'escagno èro talamen embouïado, qu'aurié fougu un mèstre debanadou pèr faire de cabudèu.

Lei fremo soun de bouito à double found, de veritablei bouito à suspresso e à malici. Sigues jamai en peno emi' elei. Fan e desfan à bel eime toutei leis embouis. La mouié d'un dèi vuè counseié que voulièn toutei èstre conso li embastè uno flamo idèio que traisè de soun cocó.

Li avie, à l'intrado d'ou vilâgi, uno vieio pruniero coumunanalo que, de generacien en generacien, pougié de frucho et de purjo en tout lou vilâgi. A quel aubre d'elèi fouguè proupousa coumo aubre d'eleicien. Anavo èstre l'aubre de la liberta, l'aubre d'ou salut. Vèici d'ou biais que faliè se li prendre, d'après la coumaire qu'avie trouva aquelo asticacien.

Lei vuè louchaire que voulièn èstre conso devien escala sus la pruniero, au imitan dei